

MIZORAM POLICE PRESS STATEMENT

No. POL/PR/2019/09

Dated Aizawl the 4th July, 2019.

‘TRAFFIC TAWT LUTUK TIHZIAAWM NA ATAN MOTOR INTLAN CHHAWK TURA RUAHMANNNA SIAM ANI’

Coordination Committee on Traffic Management meeting in alo rel tawh angin Aizawl khawpui chung Traffic tawt lutuk tihzia awm nan leh mipuite awlsam zawka kan chetvel theih nan te leh him zawk nan te SP Traffic Police Aizawl chuan Dt. 3rd July, 2019 khan thuchhuah/thupek siam in Aizawl khawpui chung, AMC area-ah Motor intlan chhawk/ Indinchhawk dan tur a ruahmanna a siam a. He motor intlan chhawk dan tur hi **Dt. 8th July, 2019 (Thawhtanni) atanga Dt. 2nd August, 2019 (Zirtawpni)** thleng atan hman chhin/enchhin ani ang.

INTLANCHHAWK DAN TUR LEH A HUAM CHIN TUR

1. Intlanchhawk hian mimal motor leh Sorkar motor, Two-Wheeler zawng zawng (exempted bik tihloh chu), bungraw phur lirthei zawng zawng a huam ang.
2. Lirthei registration number tawp berte tlanchhuah theihloh ni chu hetiang hi a ni ang –

Thawhtanni(Monday) ah Registration 1 leh 2-a tawp
Thawhlejni(Tuesday) ah Registration 3 leh 4-a tawp
Nilaini(Wednesday) ah Registration 5 leh 6-a tawp
Ningani(Thursday) ah Registration 7 leh 8-a tawp
Zirtawpni(Friday) ah Registration 9 leh 0-a tawp

Tlanchhuah phalloh hun hian **Zing dar 9:00AM atanga Tlai dar 5:30PM inkar** a huam ang.

3. Mizoram District dang lirthei zawng zawngte, State pawna lirthei register te, Private Motor leh Bungraw phur motor Aizawl khawpui chung a awm lehrawn tlanlut tur reng rengte pawh intlanchhawk hian a huam ang.
4. Lirthei intlanchhawk hian **Inrinni(Saturday) leh Pathianni (Sunday) bakah Sorkar Holiday-te** a huam lovang.
5. Taxi bik chu Sticker A, B leh C hmanga intlanchhawk kalpui mek ang hian **Zing Dar 9:00AM atanga Tlai Dar 6:30PM inkar an in tlanchhawk ang.** Inrinni(Saturday) bikah Chawhnu Dar 1:00PM atangin Taxi-te hi anvaia tlanchhuah phalsak an ni. Tin, Pathianni(Sunday) leh Sorkar Holiday ah pawh Taxi-te hi anvai a tlanchhuah phalsak an ni.

INTLANCHHAWK IN A HUAMLOH TUR TE


1. Governor, Chief Minister leh Speaker-te (an arcade tiamin) ahuam lovang.
2. Gauhati High Court Judge te a huam lo ang.

3. Public service vehicle (passenger phur chi lirthei) entir nan - City Bus/Bus, Maxi Cab/Sumo (State dang registered huamin), Auto Rickshaw, Institution Bus, Department Bus, Two Wheeler Taxi.
4. Police department motor duty, Traffic Police duty-te, Fire (F&ES) motor, Excise & Narcotics motor duty, Medical & Hospital Emergency duty, Ambulance/Morgue van, Executive Magistrate law and order duty leh emergency duty, Media mi te (MJA sticker tar te chauh), PHE emergency duty leh PHE tuisem, P&E emergency duty, Bawnghnute sem, Chanchinbu sem, AMC hnuai Bawlhhlawh paih (Garbage) motor duty, Army leh Para-Military Force, Government Department/Office Despatch Rider-te.
5. Rualbanlote tana Special Vehicle-te a huam lo ang.
6. District dang atanga Sorkar thil pawimawha duty-te, Law & Order leh Essential Commodities duty-te chu Aizawl City Traffic Police-te an hrih hmasak hnuah an lirthei tlan dan tur ruahmansak an ni ang.
7. Lirthei 407 (truck) leh a chunglamte National Highway-54 Bawngkawn leh Zemabawk inkar a tlandan tur Traffic Police-ten an lo ruahman tawhsa anga tlan tlang tur te a huamlo baw k ang.

A chung a huamloh tur sawi bakah hian engemaw hriatlawk loh **Emergency case** leh tul bik tak tak thilah chuan **Aizawl Traffic Control Room Phone Number: 0389-2322307/ 2313061/ 9366553559(Jio)/ 9774440722 (Vodafone)** ah hriattirin an thu leh hla ngaichang hmasa in an ruahmanna siamte zawm thin tur a ni.

He thupek zawmlo man te chu Section 179 of MV Act, 1988 hmanga hrem an ni ang. Heng ruahmanna leh thupek te hi mipuite tana awlsam zawkna leh himna tura tih anih avangin mipuiten zawm tur leh ngaipawimawh theuh turin Mizoram Police chuan kan ngen tak meuh a ni.

ISSUED BY CHIEF PUBLIC RELATION OFFICER, MIZORAM POLICE


(JOHN NEIHLAIA)IPS 5/2/19
Inspector General of Police(Hqrs)
&
Chief PRO
Mizoram Police Department.